

nardo Emo, per tutti i Savi di terra ferma che erano 4.

Et fo prexa de ballote 196 — de non 15, non sinciere 4.

Consiliari:

*Ser Francesco Foscari,
Ser Alvise Malipiero,
Ser Vincenzo Capello,
Ser Nicolò Bernardo,
Ser Nicolò Venier,
Ser Pandolfo Morexini,*

Cai de XL:

*Ser Bernardin Badoer,
Ser Vicenzo Zorzi,
Ser Zuan Malipiero,*

Savi del Consegio:

*Ser Domenego Trivixan procurator,
Ser Lunardo Mozenigo procurator,
Ser Lorenzo Loredan procurator,
Ser Domenego Contarini,
Ser Marco Dandolo, dottor, cavaliere,
Ser Alvise Gradenigo,
Ser Francesco Donado, cavalier,
Ser Alvise Mozenigo cavalier,
non fu d' opinion sier Lunardo Emo.*

Savii de terra ferma:

*Ser Hieronimo da chà da Pesaro,
Ser Hieronimo Grimani,
Ser Filipo Capello,
Ser Jacomo Dolfin.*

400 A dì 30, fo San Hironimo, zorno deputato a ballotar la Zonta, per la qual fo fatte extreme pregerie, cose mai più fatte, et publice a Gran Conseio, dato danari et promesso a sguizari, fatto maone et altro, che fo di grandissima mormoratione a la terra, et in faza di Censori. Non fu il Serenissimo, vicedoxe sier Alvise Malipiero. Introno Consieri nuovi sier Polo Donado, sier Andrea Trivixan il cavalier, sier Lorenzo Bragadin; Cai di XL nuovi di la Quarantia Criminal, che doman intrarà, sier Jacomo Soranzo qu. sier Francesco, sier Antonio Permarin di sier Nicolò, sier Michiel da Molin qu. sier Zuane; Cai del Conseio di X, del nuovo Conseio, sier Nicolò Trivixan fo Consier, qu. sier Gabriel, sier Hironimo Barbarigo fo Consier, qu. sier Andrea, non era il terzo sier Piero Lando, rimasto

Savio del Conseio. Et fo letto la Zonta, tolti numero, et niun fo debitor; et rimaseno nuovi 6, zoè sier Domenego Trivixan fo Avogador, qu. sier Zaccaria, sier Andrea Vendramin fo al luogo di Procuratori, qu. sier Zaccaria, sier Marco Antonio Sanudo fo di Pregadi, qu. sier Beneto, sier Piero Valier fo di la Zonta, qu. sier Antonio, sier Santo Trun fo di la Zonta, qu. sier Francesco, sier Stefano Tiepolo è di la Zonta, qu. sier Polo.

Da Brexa, fo lettere di 27, del proveditor zeneral Nani. Come il capitano zeneral nel quattodecimo havia miorato et la febre lassata. Scrive la cosa del conte di Caiazo, et di la sua compagnia nulla si sa. Inimici è pur a Lonà. Paulo Luzasco havia corso sotto Cremona et preso alcuni cittadini erano in villa a far le vendeme. Antonio da Leva era a campo a Pavia, aspettava l'artellaria, et par che l'imperator etiam da Piasenza li mandava certe artellarie.

Di Cremona, del Venier orator, di 26, fo lettere, in consonantia, ut supra.

Di Verona, di rectori et proveditor zeneral Dolfin. Con avisi ut supra del conte di Caiazo, passato il lago, et di la soa compagnia nulla si sa.

Copia di una lettera da Costantinopoli, scritta 401' per il capelan de l'orator et vicebailo, de dì 2 avosto 1529.

De la sepoltura de Mustaphà bassà cugnado del Gran signor, al qual fo trovato danari, per qual mi è sta ditto da un suo schiavo vecchio franco, che si ha trovato ducati 300 milia d'oro, tutti soltanini de Stambegli, et poi vien ditto che si ha trovato in danari de molte sorte ducati 700 milia, che è un bel thesoro, oltra le zoie che val un pozo d'oro. La so stalla più bella che quella de Abraim bassà, et li schiavi fior di zente da 300 in su, tutti lassati franchi con tutto quel se trovava haver, che tutti erano ben in ordine de cavalli vestidi scuffie d'oro et danari in borsa. A la so moier lasette tutto quel si trova in le sue man, et al suo fiasco tutto quel li havea donato, che val un tesoro, de le zoie, et altre belle cose. Et tutto el resto va al Signor per la so leze. Hebbe costui tante cose perchè era stato assai al Caiaro bassà. Ha lassato fabriche in questa terra; la soa habitation più bella del mondo, fatta una spexa infinita, bagni de dentro, conduta de aque, fontane, sopra una altura che descoverze tutto

(1) La carta 400' è bianca.